

Mbanjmyauz Hag Lizensij Aendangj Coux “Sam Bet”

Mboengqneix, Yungzsuij Myauzcuz Swciyen Gijveij Genhveij banh hozdung hag lizensij aendangj、gangj simnduj angqhoh “sam bet”. Gyawj 30 boux ganbu mbwk daenj buhvaq Myauzcuz gyaundeix, angq comz youq Mbanjmyauz Mung’vuh. Gyoengqde hag lizensij aendangj、diuq fouxfaxsoux、guh youzcaz daengj, itmienh caiq gangj gij gojgaeq lizensij aendangj, itmienh coux “sam bet” ciet-mehmbwk, hawj vunzlai caiq gag siengj gag bae souj simnduj、rap sawjmingh.

(Lungz Linzci/龙林智)

► Gyoengq ganbu mbwk Myauzcuz angq diuq fouxfaxsoux.



Hag Leiz Fungh Raen Saedguh

3 nyied 5 hauh dwg ngoenz mbouj aeu ngaenz, caiq fat swhliu geiqniemh hag Leiz Fungh. Dasingh Yen gak gihgvanh danhvei youq Dasingh vwnzva gvangjangz banh aen gagnyienh hozdung “ciepcienz cingsaenz Leiz Fungh, ciengj guh vwnz-mingz bouxcoz moq”. Gyoengq boux-gagnyienh bang vunzlai yawjbingh

(Lij Hozvei/李河慧)

◀Bouxgagnyienh baij daiz yawjbingh mbouj sou ngaenz.

Lozcwngz: Hag Raed Ceij Cienz Gyafung

3 nyied 5 hauh, Lozcwngz Mulaujcuz Swciyen Hoihlienhab Mehmbwk banh aen hozdung raed ceij “daejniemh raed ceij ndei, ciepcienz gyafung hoengz” bae coux cietmehmbwk. Loz Vazcingh boux-ciepcienz feihyiz raed ceij Mu-

laujcuz son gyoengq mehmbwk baenzlawz raed ceij. Hozdung mboujdan hawj ndwenngoenz mehmbwk engq mizyinx, lij fatyienz le vwnzva minzsug caeuq vwnzva hoengz.

(Mungz Cwnghswh/蒙增师)



▲Gyoengq mehmbwk cingq nyinhcaen raed ceij.



▲Gyoengq lwghag cingq hwnj dangzgoq aendangj.

Mungzsanh Yen Haihag Dangzgoq Daih’it

Mboengqneix, Mungzsanh Yen gak aen hagdangz haihag le, dangzgoq daih’it couh son’gyauq lizensij aendangj, ngeuxyawj ginglig bak bi aendangj. Lauxsae son、lwghag cam han、gyahcangj gangj gamjsiengj daengj, doicaenh son hag lizensij aendangj byaij saed guh laeg.

(Gvanh Sinh/关新)